



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Antonii Svcqv̄et E Societate Iesv Via Vitæ Æternæ**

**Sucquet, Antoine**

**Antverpiae, 1630**

Caput 1. De modo deliberandi

[urn:nbn:de:hbz:466:1-54856](https://nbn-resolving.org/urn:nbn:de:hbz:466:1-54856)

PRÆFATIO  
IN LIBRVM SECVNDVM.

*De progressu, ejusq; impedimentis,  
sive tentationibus.*



OSTO QUAM anima, quæ à fine aberraverat, & à scopo, id est, Deo Opt. Max. ejusque sanctissimâ lege, rediit in viam bonam; similis est filiis Israël, quos in manu forti, & brachio excelso de Pharaonis jugo, & servitute Ægyptiâ Dominus liberavit. Itaque quemadmodû illi non constiterunt in terrâ captivitatis suæ; sed duce Moyse progressi sunt versus terram sanctam per desertum; ita & illi facere incumbit. Verûm uti Israëlitis accidit persecutione hostili, & asperitate deserti tentari: ita & illa incipiet ad reditum sollicitari. Quid igitur? firmandus animus, & deliberatione seriâ de progressu excitandus, contemptis hostis nostri telis ac robore; Dominus enim pugnat pro nobis: neque permittet, etsi propinqui sint hostes, ut nobis noceant, si boni æmulatores fuerimus; sed nube proteget misericordiæ suæ, statuetque eam inter nos, & inimicos nostros; etsi in nocte tentationis terrores ac timores nocturni defuturi non sint. Exod. 14.

Ut verò modus deliberandi, quo aliquoties supra usi sumus, qui que erit in progressu sæpè usurpandus, perspectus sit, eû hîc paucis sub-  
jicere

dicere visum est; quem postea in modo medi-  
tandi pluribus videbis explicatum. Quoties  
enim dubium aliquod incidit in viâ spiritua-  
li in rerum humanarum usu; modus ille con-  
siliium explicare poterit, & nutantem firma-  
re, incertumque dirigere.

## C A P V T I.

*De modo deliberandi.*

*Quid fa-  
ciendum  
ante delibe-  
rationem.*

*Quid in ipsâ  
deliberatio-  
ne.*

*Primò.*

*Secundò.*

*Tertiò.*



**O**BSERVA priusquam deliberationem  
instituas, ut coram Deo Opr. Max. te li-  
stas; ab eoque humiliter flagites lumen  
& gratiam, ut ejus sanctissimam volun-  
tatem cognoscas; siquidem ille solus  
quid expediat novit. Hoc peracto, Primò, rem delibe-  
randam in medium profer; ut de statu, de progressu in  
viâ virtutis, de multâ familiâ, officio, beneficio, acce-  
ptandumne an rejiciendum; & ita de cæteris rebus,  
an & quomodo, & quando faciendæ, an omittendæ.  
Secundò, ante omnia affectum renova, ita ut in neu-  
tram partem quoad fieri potest propendeas: quando  
enim animus velut bilanx in æquilibrio erit, parvo  
momento huc illucque inflectetur, & advertere signi-  
ficationes divinæ voluntatis licebit. Expende deinde,  
proposito tibi creationis tuę fine, utrum hæc, an illa pars  
deliberationis, id est, utrum officij acceptatio aut repu-  
diatio, hic aut ille status, hæc aut alia conversatio, stu-  
dium, exercitatio, progressus ad finem propositum cõ-  
sequendum magis conducatur, majora an minora incom-  
moda habeat; necne. Hoc enim desiderare magis vel  
minùs debemus, quod ad vitam æternam consequen-  
dam, & divinam voluntatem implendâ magis vel mi-  
nùs conducere potest, si e re & utrâq; ejus parte appensâ  
coram

eoram Deo, & in luce illius, discernere oportet, atque eam oculis divinæ majestatis offerre; ac observare inter nos animi motus & quietē, quibus solet Dominus voluntatem suam declarare ijs, qui eam sincero corde & resignato exquirunt, Atque hæc plerumq; sufficere possunt pro electione faciendâ, & deliberatione concludendâ. Quemadmodum enim in meditatione sæpè una atque altera consideratio affectum sic commovet, Dei gratiâ cõcurrente, ut nõ sit necesse alia auxilia quærere; ita in electione seu deliberatione, in quâ non minùs inspirationes & motus Spiritus sancti observandi sunt.

Quòd si tamen suprâ dicta puncta non sufficerent, ad voluntatem confirmandam in bono; tum ulterius, ut in meditatione procedere oportet, quemadmodum infrâ latè explicabitur v.g. dispiciendum tibi quid amico tuo corâ Deo suaderes; & quâ similitudine, id quod judicas melius esse, persuadere nitereris. sic enim naturâ comparatū est, ut recta ferè cõsilia alijs demus, ipsi sequiora amplectamur. Perge dehinc ulterius; & considera quid in morte velles elegisse atque ipsum jam scias eligendū esse: similiter animadvertet quo consilio, quando coram tribunali æterni judicis sistendus eris, usum te fuisse velles; atque illud multò acriùs stimulabit, si cogites æternitatē, quod quæ semel elegeris, id esse æternum. Quod enim factum semel, infectū esse nequit. Si autem attendas quid Sancti fecerint, vel facerēt in hoc negotio; eos quæ in voces, & quasi in consilium adhibeas, velut stellæ tibi fulgebunt, in tenebris & ancipiti consilio hærenti. Vide similiter, utra pars consilij majorē pacem & tranquillitatem & gaudium animi tibi cõciliaret. At multò magis juverit, si à Christo Domino magni cõsilij Angelo humiliter quid vitæ verbisq; suaserit, & suaderet, interroges os, inquam, Domini & arcam testamenti, Sapientiam æternâ, magistrum & pastorem animarū nostrarū. Et si fortè id quod consultius, quia difficilius, minùs allicit; ecce, recordatio beneficiorum quibus nos prævenit,

*Quid faciendum si superior deliberandi modus non succedat ex voto.*

*Alia considerationes.*  
*Prima.*  
*Secunda.*  
*Tertia.*

*Quarta.*

*Quinta.*  
*Sexta.*

præuenit, & ad sequenda sua sanctissima consilia, & in-  
spirationes inuitat, calcar addant oportet.

*Investigan-  
da remora.*

Quòd si necdum animus, verum cernere & amplecti  
potest, videndum quæ & vbi remora sit; & deprehensâ  
eâ, optimum elige, ac tandem divinæ majestati in holo-  
caustum offer, gratiasque deinde age pro lumine, &  
bonâ voluntate.

*Quâ ratione  
animus con-  
fermandus.  
& ad pristi-  
num seruo-  
rem reuo-  
candus.*

Hunc modum expressi in præcipuis piæ vitæ officiis.  
Primò, ut paradigma tibi foret, ô lector, in omnî deli-  
beratione, secundo ut postquam deliberatione factâ  
pium aliquod decretum feceris, hæc capita revolven-  
do in eo te queas confirmare. Certum enim est omnes  
qui aut religiosæ vitæ statum, aut aliquod aliud piû vi-  
vendi genus maturo consilio elegerunt, pro humanâ  
fragilitate flaccescere; ac tum ad renovationem peruti-  
le esse relegere vestigia, & rationes quibus sancti illud  
consilij amplexi erant. Quod enim adeò celebratum  
est in vitâ religiosâ, & pro spiritus renovatione comen-  
datur, representare sibi diem, quo quis egressus est de  
terrâ Ægypti, quo spiritu, quibus rationibus impulsus  
fuerit; idem valet in omni exercitio pietatis deliberatè  
suscepto. varia autem hæc habes; quibus adspirare divi-  
nam gratiam ad utilitatem omnium supplex rogo.

Obserua autem in omni deliberatione varijs moti-  
bus ac spiritibus animam huc illucque impelli: Ideò-  
que illos discernere plurimum expedit, imò necessa-  
rium est; ut voluntatem Dei certiùs exploratam dili-  
gentiùs exsequamur. Quocirca considerationem de  
spirituum notis hæc subjectam accipe.

*Consideratio de notis spirituum.*

*Mundi peri-  
sula.*

**A**NGELVS CVSTOS. Vidésne quantis periculis  
via vitæ tuæ obsita sit, quot præcipitia, quot devia,  
& ducem quærere, & sequi moraris? nescis quàm mul-  
ti amici in speciem se comites viæ offerant, cùm sint  
hostes capitales? Vide igitur quàm diligenter ob-  
servandi

servandi sint & probandi spiritus si ex Deo sunt, nam & diabolus transfiguratur sese in Angelum lucis.

HOMO. Hæc me una cura sæpè sollicitum habet, videorque mihi stare non ratò in multitudine, cujus viæ variæ sint & irremeabiles: quarum aliæ tutæ, aliæ periculossimæ. O Angele mi, dux vitæ meæ, tu nosti viam meam & cæcitatem; & scio, tibi pro charitate tuâ nihil magis curæ est, quàm ut velut Raphaël ducas me in optatos amplexus Domini mei, & in domum Domini Dei nostri. O quantum mihi tunc gratulabor, quantum tibi gratias agam, ô spiritus purissime, quomodo te amplectar, postquam hoc mare magnum enavigavero, & naufragium per te enatavero, & inter tot spiritus malos & bonos, seu ventos contrarios rectum vitæ cursum tenuero. O benignissime IESU, qui dignatus es mihi dux esse, & via, & hunc Angelum dare, qui me comitetur & ducat ad te, ne unquam permittas, ut ille spe suâ, & ego salute meâ frustremur, alioque spiritu agar, quàm tuo; scio enim, scio quòd qui spiritum tuum non habet, Christe IESU, non est tuus.

*Angelus Cio:  
stos sequen-  
dus.*

*Gaudium  
Sanctorum  
de periculis  
evitatis.*

CHRISTVS DOMINVS. Aspice quot fallaciæ, & deceptiones in orbe universo insidientur tibi, ut non inicitis prudentiæ tuæ. Quot enim ethnicorum sectæ? numera si potes. Quot hæresum capita & deliria, quibus in errorem tot animæ inducuntur, & perniciem? Et verò quid est malorum vita, nisi error in viâ, de quo ipsi ferò queruntur in inferno, dicentes: Ergo erravimus, & ambulavimus vias difficiles, & viam Domini ignoravimus. *Hæcine vera, ut sup. pag 17.*

*Fallacia  
mundi.*

HOMO. Nihil verò magis, ô Salvator mi, percellit animum meum, quàm quòd audiam, & videam etiam Cedros Libani cecidisse, Origenes, Luciferos, Tertullianos, & velut igne fatuo abductos, aut in palustria carnalium, aut ad præcipitia arrogantia devenisse. Gratias tibi ago, quòd usque in hanc horam

*Sap. 5.*

L serva-

*Spes in Deo.* seruaueris me, & cum ignorem quid serus vesper ue-  
hat, & sciam infirmitatem meam, iacto cogitatum  
meum in te Domine, & spero quod duces me, & non  
despicias me. *Haccine firmâ fide, ut sup. pag. 8.*

*Dæmonium  
vigilantia.* CHRISTVS. Vigilate & orate, ut non intretis in  
tentationem: non est colluctatio uestra aduersus car-  
nem & sanguinem, sed aduersus principes tenebra-  
rum harum mundi rectores, qui tot millibus anno-  
rum exercitati, perpetuò vigilant, ut superent in-  
cautum.

*Numerus.  
1. Paral. 10.  
Ezech. 51.* HOMO. Eheu Domine! quis poterit resistere huic  
multitudini, & tot rugientibus leonibus præparatis  
ad escam? verum tamen si tu Deus pro nobis, quis con-  
tra nos? Et didici ex Antonio tuo alijsque Athletis ti-  
midissimos illos esse, & cruce tuâ fractos, ubi vide-  
riant viriles animos, velut mulieres cedere, & à pueris  
& virgunculis in nomine tuo pugnantibus superari.

*Imbecillitas.  
Psal. 26.* Ideò dico cum Prophetâ tuo, innixus gratiæ tuæ;  
Ersi consistant aduersum me castra, non timebit cor  
meum.

*Fides scuti.  
Ephes. 6.  
Prov. 28.* CHRISTVS. Nulla armatura melior quàm scutum  
fidei, in quo potestis omnia tela nequissimi hostis ex-  
tinguere; nulla melior confidentia in me, & diffiden-  
tia tui. Ideò iustus, sicut leo confidens, absque terrore  
erit. Vide tamen ut arcem animæ tuæ sæpè explores,  
quòd & hostis facit, & quâ parte minùs firma est, eam  
muni assidue, ibi excuba. Adverte item hosti extrâ mu-  
ros posito facilè resisti, non ita admissò. Itaque allide  
parvulos tuos ad petram, & cogitationes pravas in se-  
mine opprime. Attendite, dixi, à falsis Prophetis, qui  
veniunt ad vos in vestimentis ovium, & adverte tibi  
dæmonem sæpè obsequi; Primò, bonis cogitationibus,  
ac deinde incautos seducere, ideòque seriò examina  
quò te ducat hæc vel illa cogitatio. *Credo tibi, ô aterna ve-  
ritas, ut supr. pag. 7.*

*Principiis  
obstandum.*

*Desideria  
terrena retia  
sunt.*

HOMO. Gratias tibi ago Deus meus, lux vera,  
quæ

quæ illuminasti me, ut viderem terrenarum rerum desideria esse reia, & quidquid ad ambitionem tendit, aut opum cupiditatem aut sensualitatem, etsi blandiatur carni, venenum esse animi, ab hoste propinatum. Illumina quæso sic semper oculos meos, ut nunquam obdormiam in morte, ne quando dicat inimicus meus: prævalui adversus eum.

CHRISTVS DOMINVS. Aliàs, uti Pharao Israelitas opere lateris, & luti, ut perfectionem ad terram sanctam, & perfectionis culmen impediatur molestiis, scrupulis perturbat: nihil enim illi familiarius quàm tristitia, & mæror, quibus ipse inferno additus vos involvere nititur. Non existimes tamen obmurmurantem sensualitatem, cum mortificatio ei proponitur, audiendam, sed scias quòd inimici hominis domestici ejus.

Denique lapidem Lydium vitam meam habe, & doctrinam. Id tamen etiam adverte, ne dum tenebras hostis offudit, & nox est, inter laqueos & præcipitia constitutus vel retrocedere vel progredi anxie nitaris, sed sta velut in tenebroso loco, donec aspiret dies, & inclinentur umbræ, & velut in tempestate fige anchoram. Adhibe etiam in consilium spiritualem Patrem; & quisquis tibi suggerit, ut celes consilia tua, ut sit tibi nuncius Principis tenebrarum, qui & lucem odit, & cum pater sit mendacij, veritatem. Itaque ut casta puella fœdi amatoris technas aperire parenti: neque te deseram, neque derelinquam. *Veni Sancte Spiritus, & emitte*, &c. ut infra pag. 164.

HOMO. Tu, scio Domine, ut Antonio pugnantem contigit, velut Imperator in acie, ades & spectas nos pugnantes. In quo mihi magna fiducia, quodque tentare nos non possit hostis, nisi te patre misericordiarum permittente. Ita legimus petiisse eum ut Jobum tentare posset, & experuisse ut Petrum cri-

L 1

braret

*Qui bonos  
turbat da-  
mon.*

*Vita Christi  
consideranda.*

*In tentatione  
nihil mi-  
tandum.*

*Consulenda  
Confessaria.  
Damo vult  
latere sugge-  
stiones.*

*Deus præses.  
Nihil potest  
demon, nisi  
Deo permit-  
tente.  
Luc 22.*



1. Cor. 10.

braret sicut triticum; sed tu Domine fidelis es; qui non patieris nos tentari supra id quod possumus. Hæc spes reposita in sinu meo. *Veni sancte Spiritus*, ut infra.

*Tentatio à Deo tibi permittatur.*

*Vita honorum varia, tristis & lata.*

*Tentationis remedium efficax est spes. Signum boni Spiritus pax.*

*Nota.*

*Nisi Deus luceat in tenebris sumus.*

CHRISTVS. Si ad modicum te derelinquam, tum fac ut appareat virtus & fidelitas tua, uti in aduersis malorum ignavia ac torpor, quæ sæpè tentationis causa, excute, & humilia te valde in conspectu meo; ut enim infirmitatem tuam discas, vel torporem excutias, vel me patientiâ tuâ honores, ut Tobia, & Jobo accidit, tentari te permitto, & vires simul largior ad superandum.

HOMO. O benignissime Deus verè secundum multitudinem dolorum meorum consolationes tuæ latificaverunt animam meam: & si boni fuerimus, uti in universa vitâ tuâ, & Sanctorum tuorum contigit, permiscendo tristitia latis miâ & suavi varietate vitam nostram contexes.

CHRISTVS. Hæc spe animum erige, quodque ego bonitas & sapientia infinita in pondere, numero & mensurâ omnia faciam; hæc sit consolatio tua, omnemque respice, quæ non trahit ad me, & omne lumen, quod non tendit in me. Quidquid item perturbat pacem mentis tuæ, id à me, qui sum princeps pacis, scias non esse profectum. Gaudium & pax in Spiritu Sancto, quâ supra terrena elevaris, & ab ijs animus avocatus, notæ sunt benignitatis meæ. Ac dum tranquillo uteris, & pace, ad tempestatem & bellum animum præpara. Dum lux est, prospice quâ suboriente nebulâ tibi eundum.

### Oratio seu protestatio sequendi bonum spiritum.

**V**ENI, sancte Spiritus, & emitte calitus lucis tuæ radium: veni Pater pauperum, veni lumen cordium; sur-

ge Oriens, & dispelle tenebras meas, ne quando dicat inimicus meus, Prævalui adversus eum. O lux amabilis, quomodo non diligam te potius quam tenebras meas, quam principem tenebrarum harum? nisi enim tu illucesceres mihi, pauld minus in inferno habitaret anima mea: nisi nubem vanitatis dispergeres, numquid rectum iter tenere possem in magno vita hujus pelago? neque tenere potero, nisi tu spes omnium finium terra, & in mari longè aperias te mihi, & viam monstres. Ecce, quot miseras animas fyrtes infernaq; charybdes absorbent! Ecce quot erroribus & specie recti decepti ethnici abeant, cheu! in tenebras exteriores, quia tu lumen iustitia non suscipisti eis! mihi autem verè, verè apparuit humanitas ac benignitas tua, ut abnegando impietatem & secularia desideria, sobriè, justè, & piè tibi vivam, & te sequar, ô vita mea, ascendamq; super altitudinem terra, ut frustra jaciatur rete ante oculos pennatorum: Qua enim major humanitas, quam te Deum fieri hominem? qua major apparere potest benignitas, quam te impuri cordis mei fieri hospitem? Non ut pasceris, qui pasceris inter lilia pane Angelorum, sed cibus mihi fias viatori, ut sobriè vivam præclaro hoc calice inebriatus, & justè, sanguine tuo mundatus, & piè amore tuo sauciatus. Veni igitur, & vide, & perfice vineam istam & voluntatem, quam plantavit dextera tua. Quis dabit mihi pennas sicut columbae, & volabo & requiescam: Etenim anima mea sicut passer invenit sibi domum, & turtur nidum, ubi ponat pullos suos, nempe Altaria tua Domine virtutum. Beatus homo qui sperat in te; in illis enim sacrificium semper tibi placet spiritus contribulatus, cor contritum & humiliatum, & gemitus anima quærentis te, sed electa & formosa columba tua.

Absit ergo, ut deinceps oculos statuam declinare in terram. Cum enim videro meas cogitationes ad terrena, ad caduca inclinare, nonne manifestum erit, quòd sapientia hæc terrena sit, animalis & diabolica? sapientia enim quæ de sursum est, à te, Deus, lux incommutabilis, fons bonorum omnium, vocat nos à terrenis ad celestia, à creaturâ ad creatorem, à transitorijs ad æterna. In his dilatatur animus, & gustat quàm sis suavis, ô dulcedo ineffabilis: in illis tenebrescit, & amaritudo line repletur,

Psal. 93.

Gratiarum  
actio.

Tit. 3.

Prov. 1.

 Applicatio  
ad Com-  
munionē.

*nec quiescere potest, quia non est ei quies nisi in te. Dignare ergo, Domine precedere omnes actiones meas, fac ut omnis cogitatio & operatio à te semper incipiat, & per te coepta finiatur; & licet consurgant adversum me castra, non timeat cor meum. nonne enim certò novi, quia non patieris me tentari supra id quod possum, neque relinques sine testimonio? Imò precedes faciem meam, & ostendes viam in quâ ambulem. Ad te levavi animam meam, Deus meus, in te confido, non erubescam, neque obsecro irrideant me inimici mei: etenim universi qui sustinent te, non confundentur, sed in secula seculorum laudabunt te, & benedicent nomini tuo in seculum, & in seculum seculi. Amen.*

Psal. 126.

Psal. 124.

*Capita nonnulla exempli gratiâ allata, in quibus deliberationis modus usui esse potest.*

*Pro principibus viris in republicâ.*

**D**E Magistratu, an aliquis petendus & suscipiendus. Quomodo Dei hostes ad illius obsequium adduci possint, & animæ, vel à gentilismo, vel hæresi converti.

Qui ad dignitates vocandi.

Quomodo pietas promovenda, & cultus Dei in se & in subditis.

Quomodo justitia administranda.

Qui qualesque consilarii adhibendi.

Quomodo pauperes sublevandi.

Quomodo inimici conciliandi.

De injuriarum oblivione.

De debitorum solutione.

De familiæ ordinatione.

*Pro ijs qui in secundis consistunt, ac mediâ fortunâ.*

An officium aliquod suscipiendum.

An conjugalis status, an cælibatus eligendus.

An

An & qualiter præcipuè pietas colenda.  
Qualiter familia ordinanda quoad pietatem & necessaria.

De liberorum educatione.

De pace cum propinquis servandâ.

De litibus fugiendis, & inimicitis tollendis.

De sumptuum moderatione & conviviorum.

De æmulatione malâ extirpandâ.

De pauperum singulari curâ habendâ.

*Pro alijs.*

Quis status eligendus, conjugalis, an Religiosus, & quis, vel quæ uxor, &c.

Quod genus artis pro vitâ tuendâ eligendum.

Quo pacto pietas colenda, & quoties confessio instituenda.

An Sodalitati nomen dandum,

An quales socij deligendi.

De monitore eligendo,

De eleëmofynarum largitione,

De orationis studio.

De relaxatione animi.

De B. Virginis cultu singulari.

*Praxis in deliberatione adhibenda.*

Considera semper coram Deo in luce ejus, principium cogitationum & finem, etsi maximè remotum, atque attē de ansis resignatus & pacificus, hoc enim certissimum Dei præsentis signum, quia in pace factus est locus ejus. Plurimum certè lucis hauriet, quisquis in cogitationibus, verbis & actionibus finem sapē scrutabitur, & quantum à purâ intentione declinet, eeu lucidissimo septentrione ac helice operationum nostrarum Christo Issy Domino nostro.

Secundò, consilium aliorum exquire: nemo sibi bonus medicus, nemo consiliarius; & cum moneat Spiritus, ne ionitatur prudentiæ nostræ; nisi illi pareamus, sapientium sapientiam reprobabit, qui humiles & mites consuevit docere vias suas.

*Indifferētia in deliberatione maximè necessaria.*

*Psal. 75.*

*Vide quòd cogitationes tendant.*

*Aliorū consilio fructu in proprijs.*

Tertiò, ad Venerabile Sacramentum, atque os Domini consule, Patronosque, maximè Angelum Custodem roga & interroga de viâ bonâ,

*Alius modus delibe-  
randi.*

Quartò, ad resignationem conducet, si fortè in alteram partem propendeas, ut exercitio certo voluntatem in medio, & æquilibrio constituas. In rebus minoris momenti non est absque exemplo, aperto Euangelio, vel simili libro explorare divinam voluntatem.

Item certas preces ad honorem Angeli Custodis dicere pro lumine.

*Iudicio Confessarij plurimum iudicium.*

Sed maximè hîc valet consilium Confessarij aut viri pii, quòd sequendum tibi proponas post varias preces, quibus à Deo lumen illi, & tibi postulaveris. *Dignatus es, amantissime Iesu, ut supra pag. 10.*

### IACVLATORIÆ

quibus directio Sancti Spiritus exquiritur.

- Pfal. 24. **V**ias tuas, Domine, demonstra mihi, & semitas tuas edoce me.
- Pfal. 142. **N**otam fac mihi viam in quâ ambulem, quia ad te levavi animam meam.
- Ibid. **D**oce me facere voluntatem tuam, quia Deus meus es tu. *Actiones nostras, quasumus Domine adspirando præveneri, & adiuvando proseguere, ut cuncta nostra oratio & operatio à te semper incipiat, & per te cæpta finiatur.*
- Pfal. 50. **C**or mundum crea in me, Deus, & spiritum rectum innova in visceribus meis.
- Pfal. 138. **P**roba me, Deus, & scito cor meum: interroga me, & cognosce semitas meas.
- Pfal. 118. **D**educ me in semitam mandatorum tuorum, quia ipsam volui.
- Actor. 9. **D**omine, quid me vis facere?

### CAPVT II.

*Deliberatio de perfectionis seu quotidiani progressus studio, postquam quis in viam reversus est.*

**H**OMO. O Sapiëntia æterna, Christe Iesu, salus mea, dux meus, & dulcissimum refugium meum, posuisti me in viâ hâc, qui creasti me, & ostendisti mihi bona plurima, quæ præparasti diligentibus te. & ecce perfe-